

華府詩友社 嘗試集

華府詩友社

第九十二期

December
2010



五都選舉抒感 陳新雄

全民總統夢當醒。藍綠版圖今變形。
可見人心非爾意，該思大政進邦寧。
好將本黨先端正，再使貪狼入圈局。
放手一搏終必勝，縮頭難敵眾頑冥。



重九登高 張暢繁

紅黃淡抹楓林綠，重九登高夢早休。
萬里虛墳徒惹恨，半生遙祭總牽愁。
音容不散思難歇，畫照無存樣怎留。
回首滄桑多憾事，劬勞未報湧心頭。






希拉穆仁草原所見 林佩娟

五月遼原蔓草黃，地冥天黯暴沙揚。
放羊鄉叟超前引，趕馬機車逐後忙。
寒夜遊人蓬帳冷，熱情蒙族奶茶香。
無垠華夏邊疆闊，孕育民風勇且剛。

註：牧羊者非孩童，牧馬者不騎馬而是騎機車。
蒙古包內夜晚氣溫達冰點。





恆山懸空寺¹ 林佩娟

神工鬼斧懸空寺，飛閣層雲幾度封。
背嵌危崖齊鳥道，面衝深谷掛凌風。
天成勝景紅塵遠，心念虛無野殿中。
儒釋道家三教供²，歸宗萬法視相同。



註 1：懸空寺始建於1400多年前，凌空危掛，巧奪天工。

註 2：最高處三教殿內，孔子、佛祖、老子、三聖齊供，為三教合一，萬法歸一之義，實為罕見。

鄭州南陽道中夜行

陳新雄

天邊一輪月，隨我到南陽。
諸子從師樂，聶公迎客忙。
鐵肩擔道義，美志續章黃。
華夏聲威震，吾儕意興長。



奧黛麗赫本 王顏鑄

矜嚴猶脈脈，綽麗何亭亭。
羅馬泉中幣，凡尼月畔星。
不憐歌舞地，卻繫餓髻齡。
飛燕殘霞紫，杜蘭香黛青。




註：赫本（1929-1993）主演的《羅馬假期》中有主題曲：《投幣入泉》；在《蒂凡尼的早餐》中則有《月河曲》，描寫兩個漂泊者希望一起奔向彩虹般的前程。赫本在少女時期經歷過二戰尾聲裡出現在荷蘭的飢餓生涯，從而奠定了她在晚年為亞非拉貧窮國家兒童的求生願望奔走呼籲、並成為聯合國UNICEF大使的業績。趙飛燕漢成帝皇后。體輕善歌舞。杜蘭香是中國古代的一位仙女。



黃河壺口瀑布 林佩娟

湧浪咆哮奔峽谷，漩渦壺口困蛟龍。
驚濤激濺排空柱，倒卷雲天濁霧濃。



登賀蘭山觀岩畫 劉秀群

武穆雄師未踏破，賀蘭山上畫岩多。
金牌頻召應無怨，西夏如今唱我歌。





悼張文蔚老友 劉秀群

驚聞噩耗平遙驛，難忘音容難忘情。
歸去尋君君不在，一抔黃土草青青。





避暑山莊 丁楚文

神往多年帝苑中，今朝承德訪離宮。
瓊樓玉宇今猶在，不見君王只見松。





黄河沙坡頭 丁楚文

羊筏河中任暢流，青青兩岸已成疇。
喜見中華新氣象，萬頃黃沙變綠洲。





黑山公園觀秋葉

夏曙芳

黑山到處秋光好，紅綠橙黃樹上描。
縱是繽紛期有限，黃金歲月享今朝。



寧夏弔古(用新韻)

許翼雲

天險賀蘭激岳飛，孤煙大漠伴王維。
風流已共黃沙去，空對長河悼落暉。



過日月山贊文成公主(用新韻)

許翼雲

- 一、 行人過此故鄉離，山徑崎嶇雲霧迷。
隻手至誠移教化，番民卸甲換僧衣。
- 二、 行人到此倍心傷，公主向東辭故鄉。
寶鏡擲泥無反顧，和番功業路途長。



浪淘沙·周占春法官判陳水扁二次金改貪污 無罪感賦用山谷憶昔謫巴蠻韻

陳新雄

法吏竟橫蠻。權勢高攀。應慚無恥戴圓冠。
日釋犯人三十去，眾怒心寒。判筆守嚴關。
污染人間。是非非是病痼癢。如此理官
真可惡，私利相干。





采桑子·一葉舟 張暢繁

斜陽漸落江風冷。瘦菊含愁。燕不回眸。紅葉凋零水自流。
人間有憾心難靜。薄霧輕浮。晚景難留。暮色蒼茫一葉舟。



秋風引四首 周涓

一、 秋葉

秋風涼。秋葉黃。
上下舞旋落，精心鋪地妝。
枝條難繫飄然去，孕生嫩綠來年昌。



二、 秋夜

秋風涼。秋夜長。
氣爽夜空淨，明星添
亮光。
銀華如水相思月，故鄉
故事心頭翔。

周涓

三、 松鼠

秋風涼。松鼠忙。
躍去跳來急，餐餐堅果香。
餘糧深掘埋藏好，十冬臘月無饑荒。



四、 溪邊花園

秋風涼。秋菊香。
朵朵勁兒足，棵棵凝白霜。
淵明如若來遊覽，去歸意遠添新章？

定風波・敬輓許淑卿學姊

李青瑾

暗澹雲煙縹昊穹。椰林一別未重逢。
琴已斷歌休舞罷。愁灑。天涯憔悴任臨風。
紅燭殘浮生若夢。哀慟。不堪聞笛起吟蛩。
淑德流長欽幾許。思故。卿雲去遠憶無窮。



沁園春· 浩氣長流

李青瑾

白浪滔滔，赤子殷殷，戰火沸騰。
自伸張信義，弘揚忠孝，精神堡壘，血肉長城。
文武齊通，吉凶不懼，禦雨披星霄漢擎。
高昂志，筧橋王師發，航向康程。
歡倭寇謝華羸。晉爵讚元功黎庶寧。
歷深圖反帝，苦奔抗日，逸仙磅礴，介石崢嶸。
故國猶悲，山河依媚，歲月滄桑誰與憑。
千鴿喚，碧海青天闊，祈禱和平。

註：「浩氣長流」史詩國畫，主題有故國、碧海青天、山河歲月、血肉長城、精神堡壘、信義和平、祈禱和千鴿圖。



青玉案·秋思 用賀鑄凌波
不過橫塘路韻 季肇瑾

秋風又掃林蔭路，落花葉、年華去。
傲菊凜霜黃幾度？靜廬庭院，獨家門戶，
欣居幽篁處。 秋來秋去讀書暮，冬至
冬歸誦名句。試問人生有幾許？一川流水，
長河柳絮，又見新春雨。




西江月·華府晚秋

季肇瑾

風卷西邊殘葉，東南又道秋涼。
觀硝煙漫佈圍廊，截堵中國海上。
民富國強為本，和平崛起何妨。
掃百年屈辱時光，復興中華東望。



Steven Ainsworth, 2008



致文蔚，雲卿（簡體詩）

許翼雲

雁群結伴比翼齊，孤雁失侶莫驚悸，友雁不相棄。
世間友情何所寄，貴在患難相助契，死生終不渝。





Acknowledgment:

**Pictures and images come from internet
and personal collections.**

(If you think we have included pictures and images not in the public domain, please let us know and we will remove them upon notice.

Send e-mail to: contact@poetry-chinese.com.



華府詩友社

www.classicalchinese poetry.com